



DIVI

Heron

BR1720

.J5

C7

c.1

007937



1080020687

EPISTOLÆ
DIVI
HIERONYMI.



an 1700
Hieronymus



EX LIBRIS

HEMETHERII VALVERDE TELLEZ

Episcopi Leonensis



Antonia
Universitaria

Josephus...
**DIVI
HIERONYMI
STRIDONENSIS**

EPISTOLÆ ALIQUOT SELECTÆ,
in adolescentium usum litteras Latinas
audientium.

NUNC MENDIS, NONNULISQUE
vocibus sermoni Latino suspectis expurgatæ
à *D. Enrico Cruz Herrera qui olim Philosophiæ,*
ac Sacræ Theologiæ in Oveti Univer-
sitate operam navavit, & nunc humaniorum
litterarum Professore.



UNIVERSIDAD DE LEON
Biblioteca Valverde y Tellez

SUPERIORUM PERMISSU:

MATRITI: MDCCXCII.

EX TYPOGRAPHIA BLASII ROMAN.

Sumptibus Regiæ Typographorum & Biblio-
polarum societatis.

44628

250
M

BR1720

HIERONYMI

STRIDONENSIS

Singula argumenta singulis epistolis brevissimè cujuslibet sensum explicantia sunt apposita. Additæ sunt Epistolæ Hieronymi ad Assellam, ad Theodoram, & ad Paulam. Selectæ sunt etiam utilissimæ quædam sententiæ ex Epistolis ipsius D. Hieronymi excerptæ.



EX TYPOGRAPHIA
VALVERDE Y TELLEZ

4888

VITA DIVI HIERONYMI.

Hieronymus Constantino Imperatore, anno ab Orbe redempto trecentesimo trigesimo primo, in oppido Stridione (quod est in Pannoniæ, Dalmatiæque confinio) Christianis parentibus ortus, puer admodum Romam missus est liberalibus studiis erudendus, ubi Donato in Grammaticis præceptore, & (ut quidam volunt) Victorino in Rhetoricis usus, Græcas, ac Latinas litteras felicissimè didicit.

Cum autem ætate processisset, Aristotelicam, Platoniam, Stoicam, ac cæterorum omnium Philosophiam attigit. Galliam deinde discendi gratia perlustravit, unde Romam reversus est, atque inde in Syriam profectus. Quæ itidem magna ex parte, discendi studio peragrata, in vastam eremum, quæ Syros ab Agarenis determinat, secessit. Ubi quatuor annos ab hominum frequentia semotus, cum solo Deo, librisque suis commercium habens, adolescentiæ lapsus lacrymarum imbre diluebat. Et contractas per ætatis incuriam sordes laborum asperitate

A 3

007037

detergebat. Inedia denique, ac vigiliis, & incredibili austeritate rebellantem carnem, & subinde repullulantem ætatis lasciviam coercens, corpus spiritui servire docebat. Visebatur tamen in ea solitudine nonnumquam ab amicis, & vicinos monachos ipse invisibat. Hebraici sermonis difficultatem in defesso labore pervicit. Cujus non solum intelligentiam, sed & peculiarem sonum, ac vernaculum stridorem est assecutus. Usus ad eam rem doctissimis Hebræorum, quos ingenti mercede conducebat; marsupium exhauriens, ut pectus eruditione locupletaret. Nec his contentus, Caldaicam item linguam est aggressus, quâ tamen hætenus modo secutus est, ut intelligere posset verius, quàm sonare. Gregorium Nazianzenum Præceptorem suum ipse appellat, & hoc interpretante se sacras didicisse litteras testatur. Cum igitur ingenti jam doctrina, & sanctitate clarus haberetur, Romam revocatus, Presbyter factus est, iterumque profectus, Syriam repetiit, Bethlehem juxta Præsepe, quod infantem Christum, exceperat, venturæ senectuti sedem delegit. Ubi cum piis, doctisque viris in Monasterio, quod Paula matrona sancta condiderat, sanctissimam vitam multis egit annis. Libros com-

plures scripsit. Vetus Testamentum ad veritatem Hebraicam transtulit. Novum autem reddidit Græcæ fidei. Multa præterea Græcorum opera Latinitate donavit. Tandem vitæ cursu sanctissimè peracto multis miraculis clarus, in eodem oppido Bethlehem migravit ad Dominum pridie Kalendas Octobris, anno Christi nati quadragesimo vigesimo secundo, suæ verò ætatis nonagesimo primo. Hunc omnis sexus, omnis ætas discat, evolvat, imbibat: nullum doctrinæ genus est, quod hinc non queat adjuvari, nullum vitæ institutum, quod hujus præceptis non formetur: soli Hæretici Hieronymum horreant & oderint, quos ille solos accerrimos hostes habuit.

FR. HIERONYMUS GOMEZ
Instituti B. Mariæ de Mercede, Ordinis
Redemptorum, candido Lectori,

S. C. F. P.

CUM non nobis nati simus, sed alter al-
terius simul membra, aliquid me effi-
cere existimavi, si publicæ Tyronum utili-
tati, & commodo, qua potuerim vigilantia,
deservirem. Hæc igitur causa fuit (candide
Lector) cur rem hanc fuerim aggressus, con-
dolens hunc epistolarum Divi Hieronymi li-
brum Tyronibus studiosis perutilissimum, in-
finitis pene mendis, & erroribus variis, in-
curia aliquorum scaterere. Quem vigilantissi-
mè purgavi, singulis epistolis singula argu-
menta ad illarum cognitionem necessariò
conducentia, totum quod in epistola agitur
brevissima quadam summa perstringentia ap-
ponens, selectas etiam Divi Hieronymi sen-
tentias, & dicta sapientissima, eruditissi-
ma, nec non tres alias ejusdem authoris epis-
tolas typis mandari elaboravi. Accipe igitur
lucubrationes has, candide Lector, in
quibus non munus, sed offerentis animum
velim inspicias. Vale.

EPISTOLÆ

DIVI HIERONYMI

IN GYMNASIORUM USUM, UBI LATINÆ
litteræ audiuntur; ut adolescentes, unde eloquen-
tiam simul & pietatem hauriant, habeant.

AD HELIODORUM
DE LAUDE VITÆ SOLITARIÆ.

ARGUMENTUM EPISTOLÆ.

Cum D. Hieronymus eremum adiisset, Heliodorum so-
dalem charissimum, qui ipsum officii causa fuerat
prosequutus (ut alibi testatur) conatus est apud se
retinere: quod cum non potuisset efficere, litteris ad
illum datis, hortatur ad solitaria vitæ societatem;
refellens singula, quæ cum, vel ab eremo deterrere,
vel in Urbibus remorari possent, ostendensque, quam
non sit turam Episcopi munus suscipere, & quam non
facile tueri susceptum. Deinde velut in peroratione,
eremiticæ vitæ felicitatem decantat; ac supremi
iudicii terrorem ob oculos ponit.

Q uanto amore, & studio contenderim, ut pa-
riter in eremo moraremur, conscium mutuæ
charitatis pectus agnoscit: quibus lamentis,